

CACHET
GEREFORMEERDE KERK

28 Februarie 2021



www.gkcachet.org.za

Afrikaanse ErediensteSondae 09:30 en 18:00

In die Gemeentesentrum (GS) op
NWU Kampus, Hoffmanstraat 28

English Worship ServiceSundays 10:45

In the Church House on the
NWU Campus, 28 Hoffman Street

KerkkantoorDinsdae en Vrydae 08:30-12:00

Lulu Coetsee – 018 294 4894;
079 4949 7360

Predikant

Ds. Brahm Robinson – 064 656 1374;
brahmrobinson@gmail.com

Kontakpersone & Inligting **Pastorale berader:**

Dr. Frans Minnie – 082 787 4583

Susters:

Lida Robinson – 076 263 4983
robinsonlida@gmail.com

Koster en Powerpoints:

Philip Wepener – 083 454 6035
npwepener@gmail.com

Vervoer na eredienste en kerkaksies:

Zard Aucamp –
061 638 5247

**Erediens preke en oordenkings:**

<http://gkcachet.org.za/preke/> 

Psalms begeleiding deur Tilla Labuschagne: 

<https://npwepener.wixsite.com/website>

Hulppredikante:

Prof. (Oom) Henk Stoker – 082 327 8921
Prof. ("Net Albert") Albert Coetsee – 084 577 1777

Diakonie (vir koskas, nood en skenkings):

Nardus Buys – 076 413 7273
nardusbuys14@gmail.com

Jubila-voorsitter:

Estmia van der Walt – 078 625 7400
estmia.hm@gmail.com

Stuur enige inligting vir die Cachetbiljet na:

Philip Wepener – 083 454 6035
npwepener@gmail.com

Bankbesonderhede:

Gereformeerde Kerk Cachet
Takkode: 632005
ABSA-tjekrekening
Rekeningnommer: 06 7034 0023
Verwysing: wyk, voorletters en van

Oggenddiens

Prof Albert Coetsee

Skriflesing: Jakobus 2:14-26

Belydenis: HK Sondag 24
(V&A 62 en 64)

Tema: Ons goeie werke red
ons nie, maar wys dat
ons deur Christus
gered is!

Uitsending: [Oggenddiens](#)

Aanddiens

Ds Brahm Robinson

Skriflesing: Psalm 2

Tema: Standvastig bly God se
rykstroon ewig staan

Uitsending: [Aanddiens](#)



Preekskets (Oggenddiens)

Jakobus verduidelik dat geloof per definisie uit werke bestaan. Geloof gaan altyd oor tot daad.

'n Geloof sonder werke is nie 'n ware geloof nie (2:14-17)

Jakobus onderskei tussen 'n ware en 'n valse geloof. In vers 14 praat hy van "so 'n geloof". Hy praat dus nie van geloof in die algemeen nie, maar hierdie persoon se geloof. Hy sê dat *die geloof wat die persoon sê hy het* - 'n geloof wat nie werke het nie - nie kan red nie. So geloof is so goed soos mooi maar leë woorde (v15-16).

Geloof en werke is onskeibaar (2:18-19)

Die een kan nie sê hy het geloof en die ander hy het werke nie. Dit is onmoontlik! Geloof en werke is onskeibaar, want geloof bestaan per definisie uit werke. Net waar werke gesien word, is 'n ware, reddende geloof teenwoordig. 'n Geloof sonder werke is niks minder as 'n demoniese geloof nie.

Alhoewel ons nie deur ons werke gered word nie, word ons ook nie sonder ons werke gered nie (2:20-26)

Die Skrif leer baie duidelik dat ons alleen uit genade deur die geloof in Jesus Christus gered is (vgl. Ef 2:8-9). Ons word nie enigsins deur ons werke gered nie (vgl. HK Sondag 24). Dit klink amper of Jakobus hier presies die teenoorgestelde leer. Maar dis glad nie die geval nie. Jakobus beklemtoon doelbewus die ander kant vir mense wat beweer hulle glo maar hulle geloof gaan nie oor tot daad nie. Hy leer: ons word nie sonder ons daad gered nie. Hoe so? Want ons daad wys dat ons werklik deur Christus gered is. Werke is die vrug van geloof.


gedagte vir die week

U, Here, U is enig.
U heers en U alleen
oor gans die aarde heen.
U Naam, o Heer, is ewig.

Psalm 83:4D (Cloete)

CACHET

Lief en Leed:




Liefdegawes:



Elektroniese betalings van kollekte en bydraes:

Vir die werk van die diakonie:

Snapscan vir die eerste kollekte:



<https://pos.snapscan.io/qr/PXMP46287>

Oggend 1ste kollekte:

Instandhouding van die GS

EFT vir kollektes:

ABSA Tjekrekening

0670280012


Takkode: 632005

Verwysing:

- Instandhouding van die GS (deponeer elke kollekte apart)

Vir die werk van die diakonie:

Snapscan vir tweede kollekte:



<https://pos.snapscan.io/qr/PVA181324>

Aand 2de kollekte:

Ekumenisteit

EFT vir kollektes:

ABSA Tjekrekening

0670280012


Takkode: 632005

Verwysing:

- Ekumenisteit (deponeer elke kollekte apart)

Maandelikse bydraes vir onderhouding van die Woordbediening:

Snapscan vir maandelikse bydraes:

<https://pos.snapscan.io/qr/5kcTaV-I>

ABSA Tjekrekening
0670340023
Takkode: 335138
Verwysing: Naam, van en wyk

VERJAARSDAE:**28 Februarie Henri van der Walt****1 Maart Suné Hermann**

*Maar dis my goed, my saalge lot,
as ek naby is by my God.
Ek het my hoop op God gestel
om al sy werke te vertel.
Psalm 73:12B*

Administratief

1. Attestate ontvang

- Sanja Steenekamp vanaf *GK Stilbaai*
- Mduduzi Mahlangu vanaf *GK Promosa*



2. Attestate vertrek

- Jaco Steyn na *GK Kathu*
- NJ Steyn na *GK Kathu*
- Izak van der Westhuizen na *GK Totiusdal*
- Anri van Aard na *GK Waterkloofrand*
- Jannie van Niekerk na *GK Kroonstad*

3. Ouderlinge en diakens

Die volgende broeders word ter approbasie aan die gemeente voorgehou vir die volgende ampte:

- As diaken: Cheer Motshwaiwa
- As ouderlinge: Pararayi Ndiwoneyi en Mduduzi Mahlangu

4. Eerstejaarskamp

Die eerstejaarskamp word hierdie jaar aanlyn aangebied (of in kleiner groepe by die GS). Dit vind plaas 4–7 Maart. Indien jy wil deelneem as senior en deel word van die buddy-sisteem vir die eerstejaars, registreer asseblief op die skakel in die Cachetbiljet. Nooi ook asseblief voornemende eerstejaars!

5. Nagmaal

Die gemeente word herinner dat ons DV 14 Maart saam Nagmaal vier tydens die aanddiens.

6. Koffiekroeg

Daar is Dinsdag 19:00 weer koffiekroeg by die GS. Kom kuier gerus saam!

Toerusting: Covid-19 Vaksine

Albert Coetsee
Nico Lemmer

Sondag, 7 Maart 2021,
ná die aanddiens

Nuus vanaf Admin Buro



Beroepe ontvang:

Proponent HC Andersen (Riaan) na GK Rooihuiskraal


Ds RB Fourie (Reynold) van GK Bellville-Oos na GK Vanderbijlpark Trinitas

Ds KP Steyn (Karel) van GK Vredenburg/Saldanha na GK Boksburg


Beste gemeente,

Hiermee 'n halfjaarverslag van ons begroting wat van Julie 2020 tot Junie 2021 verloop. Ons plaas dit in perspektief met die eerste semester van die jaar sodat ons ook die hele 2020 kan sien.

Ons uitgawes hierdie jaar het naby ons beplande inkomste verloop, behalwe vir November en Desember waar die uitgawes meer was vir bonusse en die herstel van die orrel. Ja, julle het reg geles. Ons orrel is herstel en weergalm weer met 'n suiwer klank.



Tydens Junie, Julie en Augustus het was die maande wat die bydraes die meeste was. Dit was veral nadat ons al in Aprilmaand waargeneem het dat verskeie van ons inkomste gedaal het. Die Vlak 5 inperkings het almal geraak en ons kon byvoorbeeld nie ons huur invorder nie. Daarom het ons in 'n brief vir finansiële hulp gevra en in die maande daarna het ons bydraes genadiglik toegeneem. In Juliemaand het ons ook besondere skenkings ontvang. Ons is die Here dankbaar dat hy voorsien het deur sy kerk in die tyd van nood.



Met die oog geskiet sal jul merk dat kerklike bydraes vanuit die gemeente so 'n helfte van ons inkomstes is. Regdeur die jaar het ons aantal lidmate wat bydraes gebring het, gewissel tussen 43 en 81 per maand. Op die piek is dit dan slegs 'n kwart van 'n gemeente van sowat 300 lidmate wat 'n kerklike bydrae bring. Indien iemand verder wil lees oor kerklike bydraes moedig ons jou aan om die volgende brief te lees wat as toerusting gedeel is in een van ons mede-gereformeerde gemeentes. Die toepassing by ons is nie in alle opsigte dieselfde nie, maar dit is waardevol om by ander te leer.

Indien daar enige vrae is, is jy welkom om die Finansies en Eiendomskommissie te nader.

Jul broeder in Jesus Christus,

Willem van der Meer

My kerklike bydrae

Ds. BCG Fourie

My kerklike bydrae is veronderstel om in alle opsigte 'n dankoffer te wees. Ek moet dit van harte en gewillig gee, aan God, as 'n sigbare en tasbare getuienis van my godsdiens. Dit is jammerlik dat juis die vrywillige bydraes uit dankbaarheid in soveel kerke 'n tamelletjie is en word, want die saak van die bydraes veroorsaak dikwels 'n onnodige wroeging en stryd!

Aan die eenkant is daar die lidmaat wat hierdie geld mis, wat soms uit pure nalatigheid of eiewilligheid, dikwels met 'n handvol selfregverdiging, nie 'n bydrae gee nie. Aan die anderkant is daar ouderlinge wat net met groot moeite en vrees vir stryd, ook met deernis vir lidmate met wie dit opvallend swaar gaan, hierdie saak aanroer.

Ou-Testamentiese agtergrond

Ons praktyk van kerklike bydraes kom uit 'n eeue-oue offerpraktyk in die Ou Testament, selfs nog ouer as die voorskrifte in die Wet van Moses. Kain en Abel het al hulle offers gebring (Gen 4:1-5) uit hulle leefwêreld en opbrengs. Noag (Gen 8:20, 21) het sy dankoffer gebring. Abraham het 'n offer van tiendes aan Melgisedek aangebied (Gen 14:18-20) en Jakob het belowe om 'n tiende van alles wat die Here aan hom gee, as 'n dankoffer terug te gee (Gen 28:22).

Die gee van tiendes uit die opbrengs en uit die individu se besit word in die Mosaïese wette vasgestel (Lev 27:30-33; Num 18:21-32; Deut 12:5-18; 14:22-29). Sonder om in fyn besonderhede hierop in te gaan, die volgende:

- Die tiendes is uit die opbrengs van die individu se arbeid gegee.
- Die tiendes is by die sentrale heiligdom afgedra.
- Die tiendes was nie die enigste offers wat die Israëliete gebring het nie!
- Die Leviëte, en so die priesters ook, het van hierdie tiendes geleef.
- Gemeenskap van die gelowiges is aangewakker deur die bring van tiendes, want hulle moes sekere van die tiendes as families en ook saam met die Leviëte en priesters by die heiligdom eet.
- Barmhartigheid is verleen aan armes, weduwees ensovoorts, by wyse van die tiende wat elke derde jaar (elke derde tiende) in die plaaslike gemeenskap afgedra is (Deut 14:28, 29).
- In die koningstydperk moes die volk 'n tiende aan die koning afdra, wat weer verantwoordelikheid geneem het vir die onderhoud van die heiligdom.
- Wanneer die volk nie die tiendes gebring het nie, was dit 'n teken van afvalligheid, eiewilligheid en growwe ondankbaarheid teenoor God (Mal 3:7-12). God het sy toorn hieroor belowe.

Nuwe-Testamentiese praktyk

In die Nuwe Testament val die klem op die vryheid van die gelowige (vgl. Rom 14), ook met betrekking tot dit wat hy/sy as 'n offer gee (so alreeds deur die kerkvader Irenaeus verklaar). In Matteus 23:23 en Lukas 11:42 veroordeel Jesus juis die puntenerigheid van die Fariseërs wat tiendes van kruisement en wynruit gee, maar juis die geregtigheid en die liefde vir God verontagsaam. Hy sê: "Juis hierdie dinge moet 'n mens doen en die ander nie nalaat nie." Die klem in sy woorde val op geregtigheid en liefde, waaraan die "ander dinge" ondergeskik gestel word.

In Nuwe-Testamentiese lig word die dank van die gewer nog meer beklemtoon, wat sy gawe van harte en gewillig gee (vgl. Hand 4:34). Deur hierdie gawes word voorsorg getref vir die onderhoud van die dienaars van die evangelie (*honor* en *honorarium* in 1 Tim 5:18; vgl. ook Fil 4:10-20 en 1 Kor 9:13, 14). In 3 Johannes word dit juis as sondig

uitgemaak dat iemand in die gemeente die onderhoud en sorg van die evangeliedraers wil verhinder.

Praktiese oorwegings

In die res van hierdie artikel word praktiese oorwegings belig met betrekking tot die gee van my kerklike bydrae.

TOT EER VAN GOD - My gesindheid waarmee ek gee moet beheers word deur die eer wat ek aan God wil gee. My bydrae is praktiese eer aan God, praktiese godsdiens in my plaaslike kerk. In die plaaslike kerk moet die lig nie verhinder word om te skyn nie. In die lig hiervan is 'n afknyp-bydrae of nalatigheid sonde en aantasting van die eer van God. Om nie te wil teruggee van dit wat God aan my gee vir my lewensonderhoud en optrede in hierdie wêreld nie, is growwe ondankbaarheid.

NOG VOORDAT EK BEGIN LEEF - Die Israeliete moes eers hulle tiendes afdra voordat hulle enigiets van die opbrengs vir hulle eie lewensonderhoud kon aanwend (Lev 23:14). Dieselfde geld van ons kerklike bydraes. Die bydrae moet eerste en eers afgedra word voordat my persoonlike begroting in werking gestel word. Die bydrae vorm nie maar net deel van die begroting nie, maar gaan dit voor.

Dit lê op die gewete van die gelowige of hy wil bydra uit sy inkomste voor belasting of na belasting. Wel tog voor my huispaaient, motorpaaient, kruideniers- en klere-aankope, kredietkaartrekening en brandstof. 'n Egte kerklike bydrae is iets waarsonder ek leef.

GEREELDE BYDRAE - Baie bydraestate van die kerk lyk soos die haasbek van 'n graad eentjie soos al die nulle vir verskeie maande daar paradeer. Die verskoning is dikwels swak ekonomiese omstandighede, verhoogde kostes, ensomeer. Die ware redes, soos swak finansiële bestuur, spandabelrigheid, suinigheid en selfsug word nie dikwels gehoor nie. Prakties geld die reëling: As jy eet, moet jy 'n bydrae ook kan gee! Anders moet 'n mens darem deur die diakonie versorg word as jy werklik geen bydrae kan gee nie. Dit bly 'n gewetensaak en ek wonder hoeveel kan werklik met 'n geruste gewete gaan slaap!

Kerklike bydraes moet ter voorsorg gegee word. Daarom dra mens by met die oog op die maand wat voorlê, nie met die oog op die maand wat verby is nie (vgl. weer Lev 14:23). Dit is eties onaanvaarbaar dat 'n bank moet voorsorg tref vir die onderhoud van die kerk deur middel van 'n oortrokke fasiliteit terwyl dit die verantwoordelikheid van die lidmate is!

Dit is ook skokkend dat van ons dominees met sy traktement-tjek in sy sak moet rondloop tot ná die helfte van die maand, omdat daar nie geld in die kerk se tjekrekening is om die tjek te honoreer nie. 'n Predikant se traktement word ook maandeliks vooruit gegee, sodat hy in die maand wat kom, daarvan kan leef. Die traktement van die predikant kom net so uit die bydraes. Lees gerus Numeri 18:11, 21, 24, 26; 1 Timoteus 5:18. Dit is verbasend en tekenend van swak kommunikasie met lidmate van kerkraadsweë dat sommige lidmate dink die sinode betaal die predikant, of 'n ander instelling.

EERVOLLE BYDRAE - Hoeveel moet ek nou werklik gee? Watter persentasie? Moet ek 'n tiende bydrae van my inkomste? Alhoewel ons met die perspektief van die Nuwe-Testamentiese vryheid leef, is daar nie werklik getuienis in die Skrif wat sê dat dit nie 'n tiende moet wees nie! Ons laat ons in ons heiligmaking en praktiese etiese lewe tog lei deur die gees van die Wet.

Lidmate kan gerus keuriger te werk gaan met die bepaling en werklike gee van hulle bydrae. Sonder om nuwe wette of reëls in te voer, dink ook daaraan om uit my jaarlikse bonus, my vrou se inkomste, opbrengs uit beleggings en polisse ook 'n bydrae te gee! En

hou gerus tred met veranderende lewenskoste en omstandighede deur aan dié wat van die bydraes afhanklik is, ook te dink deur middel van 'n jaarlikse of gereelde verhoging.

'n Keurige bydrae is 'n bydrae wat ek aan my sak kan voel, geld wat ek mis. As ek gemaklik sonder die geld kan klaarkom wat ek as 'n bydrae aanbied, moet ek dalk weer besin oor die keurigheid daarvan!

KERKLIKE TOESIG - Die sorg van en toesig oor kerklike bydraes is die ampswerk van die ouderlinge (vgl. Bevestigingsformulier). Hulle moet nie huiwer om vermaning en tug te bedien oor die onordelikes, hardvotiges en nalatiges nie. Dit is ook hulle verantwoordelikheid om keurig toesig te hou oor hierdie aspek van die lidmate se sigbare godsdiens. Lidmate behoort ook van hulle kant aan te dring op keurige bestuur van inkomste en uitgawes, en aktief daarin belangstel.

Baie kerke het die praktyk om *beloftes* van bydraes te in by lidmate. So 'n praktyk is aan te beveel, aangesien die kerkraad so met meer sorg kan begroot.

MOET DIE DIAKEN MY BYDRAE KOM HAAL? - Die sorg oor bydraes is die ampswerk van die ouderlinge. Voorts behoort die lidmaat self sy bydrae na die kerk te bring (vgl. Deut 12:5, 6, 11). Dit is gesonde praktyk om vir die diakens wel inligting oor bydraes te gee sodat hulle betyds 'n aanduiding kan kry van waar nood heers en die probleem vroegtydig kan aanspreek.


KAN 'N KERKLIKE BYDRAE MET 'N AFTREKORDER OF DEBIETORDER AFGEDRA WORD? - Sommige kerkrade het die praktyk op versoek van lidmate ingevoer om betaling deur middel van bogenoemde stelsel te fasiliteer. Dit vergemaklik wel die vordering van bydraes en hou dit op 'n gereelde basis. Dit is egter 'n koue en kliniese praktyk. Sou dit nie veel beter wees om jou bydrae in 'n huisgodsdiens saam met die gesin te besluit en deur te gee onder Skriflesing en gebed nie?

WAT VAN KOLLEKTES? - Kollektes of bydraes vir barmhartigheid kan ook as deel van my tiende beskou word (vgl. Deut 14:28, 29). Dit is keurige praktyk om te begroot vir die weeklikse kollektes, die regte denominasies vooraf by die bank te kry (selfs maandeliks vooruit) eerder as om op 'n Sondag na willekeur by te dra deur vinnig in die beursie te krap en te sien wat daar is. Waar deurkollektes geïm word, kan kerkrade meer doen om betyds en vooraf inligting deur te gee wie en wat sal baat by die inkomste. Dit is ook 'n vorm van kerklike bydrae wat so afgedra word.

'N SAAK VAN GELOOF - Ten diepste bly die gee van 'n keurige kerklike bydrae 'n saak van die geloof en die gewete. Let op Maleagi 3:10 - "Bring die volle tiende na die voorraadkamer toe en sodat daar iets te ete in my huis kan wees, en toets My hierin, sê die Here die Almagtige. Toets My of Ek nie die vensters van die hemel vir julle sal oopmaak en vir julle reën sal uitgiet, meer as wat julle kan gebruik nie." Dit vat geloof om God op sy Woord te neem en die volle tiende te bring ...

HOE 'N GROOT GEMEENTE IS UITEINDELIK 'N LEWENSVATBARE GEMEENTE? - Dit sou 'n blye dag wees as al die lidmate die dag 'n keurige kerklike bydrae lewer! As 20 lidmate egter argumentsonthalwe 5% van hulle besit as 'n bydrae gee, kan hulle alreeds 'n predikant onderhou op dieselfde lewensvlak en -gehalte as die deursnee lidmate. 'n Volgende 10 sou die ramings kon onderhou, nog 10 die geboue en administrasie, 'n volgende 10 die kerk se roeping na buite bekostig, en nog 10 voorsorg tref vir uitbreiding. Sestig bydraende lidmate of gesinne kan dus al 'n lewensvatbare en lewenskragtige gemeente wees! Het ons nie tog maar meer daadkrag en geloof nodig nie?

Bybelstudies 2021



Woensdae oggende (07:00)

Ds Brahm Robinson (064 656 1374)

@ Bezuidenhoutstraat 5

~ Eksodus ~

Woensdae aande (18:00)



Ester

Bybelstudie

Woensdae 18:00

@ Die Hawe

Theuns: 072 151 9185

Donderdae aande (19:00)

Prof Albert Coetsee (084 577 1777)

 Google Meeting

~ Daniël/Tematiese Bybelstudies ~

Donderdae aande (19:00)

Riaan Wattel (082 529 2969)

@ Gemeentesentrum (GS)

~ Amos ~

Kontak gerus die Bybelstudie-leier om deel te word van die Bybelstudie. Daar sal in Maart nog Bybelstudies begin waarby almal kan inskakel.





Met opgewondenheid en blydskap nooi ons u hiermee uit om deel te wees van ons Jubeljaar ter viering van Gereformeerde Kerk Cachet se 50 genadejare.

Enige en alle lidmate van Cachet (hede en verlede) word hiermee opgeroep om saam te kom feesvier!

Die volgende geleenthede word beplan:

- DV 18 – 21 Maart 2021: Fees(fiets)toer na Zorgvliet
- DV 23 – 27 April 2021: Feesstap te Kingdom Trail
- DV 29 April 2021 – 17 Junie 2021: 50dae Uitdaging
- DV 17 Junie 2021: Lofsangaand
(Amptelike verjaardagdatum)
- DV 27 – 29 Augustus 2021: Feeskamp te Nooitgedacht
- DV 1 – 3 Oktober 2021: Feesnaweek en Dinee

Navrae kan gerig word aan die kerkkantoor by 0794947360.

GEREFORMEERDE KERK CACHET BIED AAN

AANLYN EERSTEJAARSKAMP Seniors!!! 2021

WEES DEEL VAN DIE EERSTEJAARSKAMP
DEUR TOERUSTINGSESSIES, PRAATJIES,
BYBELSTUDIES EN KENMEKAAR
AANLYN OF BY DIE GS BY TE WOON!

HELP ONS OM DIE EERSTEJAARS
TE BETREK DEUR DIE 'BUDDY' SISTEEM!
VOLG DIE MEEGAANDE SKAKEL
OM JOU PLEK GRATIS TE BESPREEK

VIR MEER INLIGTING KONTAK ESTMIA: 078 625 7400
OF THEUNS: 072 151 9185

[Eerstejaarskamp 2021 inskrywingsvorm \(Seniors\)](#)

**Gereformeerde Kerk Cachet
bied aan**

AANLYN EERSTEJAARSKAMP 2021

**SKAKEL IN BY DIE GEMEENTE,
BY BYBELSTUDIES, PRAATJES
EN TOERUSTINGSESSIES!
ALLES GRATIS EN AANLYN**

4-7 MAART

**LIVE SESSIES VIR DIE IN POTCHEFSTROOM
VIR MEER INLIGTING KONTAK
ESTMIA: +27 (78) 625-7400
OF THEUNS: +27 (72) 151-9185**



[Eerstejaarskamp 2021 inskrywingsvorm \(Eerstejaars\)](#)



CACHET FEESSTAP 2021



Cachetters, oud-Cachetters
en vriende van Cachetters
is almal welkom!

23 - 27 April 2021

R790 per persoon

Sluitingsdatum 31 Maart 2021



**VIR VERDERE INLIGTING EN DIE INSKRYWINGSVORM
VOLG DIE MEEGAANDE SKAKEL**



Cachet Fees 2021

Hierdie jaar sien ons uit om die Kingdom Trail net anderkant Witbank aan te pak. Dit is 'n vierdagroete waar jy jou eie sak saamdra. Die geleentheid is vir Cachetters, oud-Cachetters en vriende van Cachetters. Hier is die skakel tot die inskrywingsvorm: <https://forms.gle/6Cc6LZM2jdaX9bsLA>

Die datum van hierdie avontuur is 23-27 April 2021. Ons kry mekaar die Vrydag 23 April om 17:00 by die Slagthoek huis. Die eerste dag van stap is 24 April. Die oornaghtute is soos volg:

- 23 April – Slagthoek
- 24 April – Grootdraai
- 25 April – Kingdom
- 26 April – Klipkamp

Ons slaap nie die laaste stapdag oor nie en keer 27 April huiswaarts.


Indien jy meer inligting oor die roete verlang, gaan loer gerus na: <https://www.kingdomtrails.co.za/trails.htm>

Die verblyfkoste en toegangskoste is R790 per persoon. Om jou plek te bevestig, moet jy 'n deposito van R400 betaal. Jou plek word geensins as bevestig beskou al het jy die vorm ingevul nie. Daar is ook beperkte plek so die toedien wat plekke gaan op eerste betaling plaasvind. Die volle bedrag moet teen 31 Maart 2021 betaal word. Stuur die bewys van betaling per e-pos na willem.vdmeer96@gmail.com stuur. Die bankbesonderhede is soos volg:

WA van der Meer
Absa Tjekrekening
4063928071
Takkode – 632005
Verwysing – JouNaamVanKingdom

Die koste hierbo sluit nie vervoer in nie. As 'n riglyn kan jy begroot op so R200 indien vier mense per kar ry vanaf Potchefstroom en terug. Kos is ook selfsorg en kan jou tipies R400-R500 uit die sak haal vir 'n vierdagstap.

Vir nog vrae kan Willem van der Meer by 073 021 6871 gekontak word.



Cachet-klerasie

Church merch is hier,
bestel nou!

Bestellings is oop tussen
21 Februarie en 7 Maart 2021

Bestellings kan gepos word (teen R60) of
na eredienste afgehaal word by Archellé

Om bestellings te plaas, volg die skakel of
kontak Archellé by 082 944 2040





**SOFT SHELL BAADJIES
IN NAVY BLOU
R355**



**BUFFS
R35**



**BUCKET HAT
R65**



**HOODIES
IN NAVY BLOU
R255**

BETALINGS SLUIT 7 MAART 2021

EFT DIE BETALINGS NA
GK CACHET JUBILA
FNB TJEKREKENING
250655
62849324687

E-POS DIE BEWYS VAN BETALING
NA CACHETJUBILA@GMAIL.COM

PRYSE IS ONDERWORPE AAN
VERANDERING ELKE KEER AS
BESTELLINGS OOPMAAK,
AFHANGEND VAN VERSKAFFERS
SE PRYSE



[Church Merch Skakel](#)

A wooden honey dipper is shown dripping honey into a glass jar. The jar is partially filled with honey and has a piece of twine tied around its neck. The background is a warm, golden-brown color.

RAW PURE HONEY

R110 - 1KG

~~~~~  
Contact 083 358 0365 (Melanie)

# Verken die Bybel met BibleSA

Met BibleSA is jou Bybel altyd byderhand. Skep jou GRATIS BibleSA rekening en geniet 'n eenstop Bybellees-ervaring!

BibleSA-app ook beskikbaar



[www.bybelgenootskap.co.za](http://www.bybelgenootskap.co.za)  
bybelgenootskap van suid-afrika

**Al 11 amptelike tale - 1933/1953 en 1983 Vertaling ingesluit.**  
*Skep 'n gratis BibleSA rekening en kry ook toegang tot Die Bybel 2020-vertaling en meer.*

*Selfs Frans, Hebreeus en Grieks vir Premium intekenare.*



<https://biblesa.co.za>



# Transoranje

Instituut vir Buitengewone Onderwys

Posbus 13383, HATFIELD 0028

Tel: 012 362 0660

E-pos: [toibo@imagnet.co.za](mailto:toibo@imagnet.co.za)



Geagte Dominee



Terwyl ek deur die verslae van die hoofde van ons skole gaan, lees ek hoe hulle 2020 ervaar het. Ek lees wat hulle alles gedoen het om ons kinders in hierdie Covid-tyd veilig te hou en so min moontlik te ontwrig. Ek deel dit graag met u.



Hierdie maand val die fokus op **Transoranje-skool vir Dowes**. Dr Wynand de Wet is daar aan die stuur van sake, en die foto's wys hoeveel moeite gedoen is vir die kind met Doofheid. Hy skryf soos volg:

*Drastiese aanpassings moes in die onderwys ingebring word om te voldoen aan die Covid-19-veiligheidsmaatreëls. Onderrig kan nie stilstaan nie, en planne moes in werking gestel word om soveel moontlik van die kurrikulum se leerinhoud aan die leerders oor te dra. Dit is in hierdie opsig dat die kreatiwiteit van die personeel van Transoranje na vore gekom het om oplossings vir ons unieke uitdagings te vind. Die verskillende skole vir Dowes oor die hele Suid-Afrika het via sosiale media inligting en idees met mekaar gedeel.*



*Die Dowe leerders is weens hul gehoorverlies meer op die visuele gefokus. Maskers maak 'n groot deel van die gesig toe, en Dowes wat afhanklik is van spraaklees en gesigsuitdrukking, se kommunikasie word deur die maskers ingeperk. Maskers wat 'n deursigtige plastiekgedeelte oor die mond het, is getoets as 'n moontlike oplossing om die mond te sien. Ongelukkig wasem die plastiekgedeelte van die masker vinnig toe. Die plastiese gesigskerms is 'n gedeeltelike oplossing, maar die veiligheidsrisiko is steeds daar omdat die mond en neus nie toegemaak word nie. Ongelukkig reflekteer ligte op die gesigskerms en sodoende kan die gesig nie ten volle gesien word nie.*



**Daniel Johannes Emmenis**

## TOPPRESTEERDER

### NASIONAAL IN GEBARETAAL

Danie Emmenis is Transoranje-skool se eerste leerder met Doofheid wat sy matriekexamens in Gebaretaal afgelê het. Dit is 'n eerste vir die skool, en Danie het besondere erkenning vir sy prestasie van sowel die nasionale as die Gautengse Departement van Onderwys ontvang.

Transoranje Instituut, ABSA,  
rekeningnommer 020 840 145

*Die Departement van Onderwys het die skole vir Dowes bygestaan deur gesigskerms leerders is so ver moontlik vergroot wanneer die plastiese gesigskerms gebruik is. (Verkort)*

Dit is met groot dankbaarheid teenoor ons hemelse Vader dat ons, ten spyte van die swak ekonomie, steeds daarin kon slaag om 2020 met 'n klein verlies af te sluit. Dit nadat ons al ons verpligtinge teenoor die skole nagekom het.

Baie dankie aan elke sinode en gemeente dat u ons deur moeilike tye steeds bygestaan het om die kind met 'n spesiale onderwysbehoefte te kan ondersteun en ons deure steeds oop te kon hou.

Tot ons weer gesels, groete uit die kantoor.

Vriendelike groete

**Arina Jooste**

UITVOERENDE BEAMPTTE

Baie dankie aan Moreletapark-gemeente vir die ruim skenking van toiletware en nie-bederfbare voedsel, asook aan die NHKA se Gemeente Pretoria-Oos vir die skenking van klere en speelgoed.

20 Junie 2021  
Nasionale  
Biddag vir  
Blindes

5 September 2021  
Nasionale Biddag  
vir Dowes

NHKA spesiale  
deurkollekte  
TOIBO

# GK Cachet Kalender: Februarie 2021



| Sondag             | Maandag | Dinsdag                       | Woensdag | Donderdag | Vrydag                                          | Saterdag |
|--------------------|---------|-------------------------------|----------|-----------|-------------------------------------------------|----------|
| 31 Jan.            | 1 Feb.  | 2                             | 3        | 4         | 5                                               | 6        |
| 7                  | 8       | 9                             | 10       | 11        | 12                                              | 13       |
| 14                 | 15      | 16                            | 17       | 18        | 19                                              | 20       |
| 21                 | 22      | 23                            | 24       | 25        | 26                                              | 27       |
| 28<br>Rooipoortjie | 1 Mrt.  | 2<br>Koffiekroeg<br>(@ 19:00) | 3        | 4         | 5<br>Konings-<br>kinders-<br>aksie<br>(@ 13:00) | 6        |